



OLD MUTUAL SUPERFUND

LELOKO LENGWALODITABA

NOFEMERE 2022

LENTŠU GO TŠWA GO MOHLANKEDI MOGOLO

Ge re le gare re phethela 2022, sa pele ke tla rata go go leboģiša ge o kgonne go tšwelela mo ngwageng wo o bego o tletše ditlholho. Bjale ka Ma-Afrika Borwa, re swanetše go ikgantšha ka go ba le kgotlelelo le bokgoni bja rena bja go tšwelela mo diphetogong le ditlholong tše di re lebilego. Old Mutual SuperFund e sa dutše e ikana go ba le wena ge o le gare o lokišetša leeto la gago la go tlogela modiro ka le lengwe la matšatši.

Ka nnete ga go na gore e sa le ka pele gore o ka thoma go beakanyetša matšatši a gago a go tlogela modiro. Ka moka re lora ka go subelela moo letšatši le dikelago ntshe go ipshina ka dipoloko tša rena tše re di šometšego ka boima ka le lengwe la matšatši. Go tloga go le bohlokwa kudu go netefatša gore ga re no bolela fela mohlang re tlogela modiro eupša gape le gore re boloka seo se lekanetšego. Bonnyane bjo bongwe le bjo bongwe bo na le mohola. Dipheho tša ka fao re phelago ka gona lehono di ama ka fao re tla phelago išago. Naa o be o tseba gore o tla hloka seo e ka bago millione o 1 wa diranta mo dipolokong tša gago tša tlogelo modiro gore o kgone go hwetša letseno la kgwedi ka kgwedi la R5,000 mohlang o tlogetše modiro? Le ke lona lebaka la go dira gore re go tsebiše ka seo se diregago mo intasetering ya tša tlogelo modiro, gore o kgone go dula o tseba ka ga diphetogo le ditšwelopele tše di ka amago dipoloko tša gago.



Re sa dutše re bolela ka diphetogo, o ka no ba o šetše o kwele ka ga mokgwatšhomo o moswa wa "Pitšha Dipedi" woo Kgoro ya tša Matlotlo e šišinyago gore o tsenywe tirišong go tloga ka la 1 Matšhe 2024. Old Mutual SuperFund e thekga tšišinyo ye, ka ge e loketše bakeng sa dipoloko tša tlogelo modiro tša lebaka le letelele. O hlantšwe go hlohleletša tšhireletšo ya dipoloko le go fana ka dipoleo tša tlogelo modiro tše kaone mola o kgona gore o ka kgotsofatša dinyakwa tša nakwana tša tšhoganetšo. Kgotla mo go [Bol.1](#) ya molokoloko wa polelišano ya Pitšha Dipedi go ithuta tše dingwe gape. Maikemišetšo a rena ke go go thuša gore o beakanye bokaone gore o tle o kgone go ka tšwela pele ka mokgwa wa gago wa bophelo mo nakong ya tlogelo modiro.

Mo lengwaloditabeng le, re akaretša dihlogo tše mmalwa tše di ka thušago gore o be o lebeletše mahlakore ka moka ge go tla mo peakanyong ya tlogelo modiro le dipoloko. Re tloga re letetše ngwaga o moswa ka matšato a maswa e bile re lebeletše tše botse fela.

Ippshineng ka go bala gomme le dule le bolokegile mo nakong ye ya Keteko!
Fiona Reynolds
Mohlankedi Mogolo: Old Mutual SuperFund



NAA O BE O TSEBA?



Go oketša ditefelo tša gago

O ka oketša ditefelo tša gago neng kapa neng ge o nyaka, mohlala mohlang o hwetša kokeletšo mogolong ya ngwaga ka ngwaga goba o tšweletša letseno la tlaletšo ka mokgwa mongwe gape. Se se tla thuša mo go godišeng dipoloko tša gago tša tlogelo modiro ka bontšinyana gomme se sa go batametša phihlelong ya ditoro tša gago tša tlogelo modiro. O ka nna wa boledišana le mongmošomo wa gago ka ga Ditefelo ka Boithaopo. Ka mehla e dula e le mogopolo o botse go beela ka thoko bontšinyana bongwe gore o tle o be le išago yeo e kgotsofatšago. **Sehlakantšhi sa tlogelo modiro** sa rena se ka go thuša go lekanetša moo o lego gona gabjale ka dipoloko tša gago tša tlogelo modiro. Gape, **bala** sengwalwa se go go thuša gore o dire Diranta le disente di go šomele ka maatla.



WhatsApp ka Setatamete sa Dikholego sa Leloko?

O ka kgona go hwetša Setatamete sa Dikholego sa Leloko ka WhatsApp ka go latela magato ao a latelago a bonolo. Sekena khoutu ya QR yeo e lego mo tlase gore o kgone go tsena. Ye ke tsela yeo e bolokegilego ya go fihlelea ditatamete tša gago 24/7, ntle le go letša le gatee goba go letela emeile. Ka mehla o phela o le taolong ya dipoloko tša tlogelo modiro tša gago.




Bohlokwa bja gore dintlha tša tshedimošo tša gago di phele di feleletše

Go tloga go le bohlokwa kudu go netefatša gore dintlha tša tshedimošo tša gago di phele di feleletše mo direkhotong tša gago ka moka. Go ba le tshedimošo ya bjale gape yeo e felletšego mo faeleng go kgonagatša gore re go thuše go beakanyetša tlogelo modiro ya gago bokaone. Gape se se bolela gore ye ka kgona go go direla polelišano ya moswananoši gore o o kgone go hwetša ditaba tša maleba tše di nago le mohola gomme di romelwa thwii lepokišing la gago la poso nako le nako. Ka nnete re ka se fetše go gatelela ka gao go lego bohlokwa gore dintlha tša gago tša tshedimošo di phele di feleletše. O ka tlaletša dintlha tša gago go mongmošomo wa gago goba ka go leletša Sentlha ya Tirelo ya Badiriši mo go 0860 20 30 40.



Mokgwatšhepetšo wa Baholegi bao ba Šišintšwego le Dikleime tša Lehu

Go tloga go le bohlokwa kudu go netefatša gore ka mehla o lekodišiša baholegi ba gago bao ba šišintšwego kudu kudu ka morago ga ditiragalo tša bophelong tše bjale ka go tsena lenyalong, go ba le ngwana, go ba le gona go fiwa ngwana. Ka go mpshafatša baholegi ba gago bao ba šišintšwego, o thuša Boto ya Bolaodi ya Superfund go phethagatša kabo ya dikholego ka mokgwa woo o lego gabotse le gona ga bonolo. Kgotla mo go [Foromo ya Tšišinyo ya Moholegi](#) go mpshafatša baholegi ba gago bao ba šišintšwego. Go kwešiša mokgwatšhepetšo wa Dikleime tša Lehu ka go naba, ka kgopelo **kgotla mo bakeng sa bitio ye kopana yeo gape e nago le tshedimošo.**



Re na le tirelo ye mpsha ya temošo ka SMS yeo e dirago gore o dule o tseba boemo bja go ntšha ditšhelete tša gago ka botlalo goba kleime ya tlogelo modiro. Re nyaka gore o dule o tseba ka dinako tšohle ka ga seo se diregago mola o letile.

“ Old Mutual SuperFund e bapala karolo e kgolo mo go kgonagatšeng maloko go fihlelela ditšhepo le ditoro tša ona tša išago, le go fana ka boikokotello mo nakong tša dikhuduego. Go dira se, bookamedi le kgonagalo ya tšwetšopele ke tšona dikokwane mokgwa wa rena wa peeletšo. ”

Bala tše dingwe gape

kaga Pego ya Go Ribolwa ga Kgonagalo ya go Tšwetšwa Pele ya SuperFund mo.



METHOPO YA LELOKO

Ka kgopelo kgotla mo dikonoping tše lego ka mo tlase go bala tše dingwe gape.

Nthuše go šišinya moholegi

Nthuše go kwešiša Mokgwatšhomo wa Pitšha Dipedi

Nthuše go kwešiša inflešene



Nthuše go kwešiša Kholego ya ka ya Lehu

Nthuše go hlakantšha dipoloko tša tlogelo modiro tša ka

Papadi ya peakanyo ya tlogelo modiro

O ka kgona go lebelela porofaule ya gago le go fihlelela ditirelo tše dingwe go diriša ye nngwe ya ditharollo tša setitšhale tša rena

Titirelo tše Bolokegilego

WhatsApp 0860 933 333

0860 20 30 40

superfund@oldmutual.com

App ya Old Mutual

GET IT ON Google Play

Download on the App Store

EXPLORE IT ON AppGallery

OLDMUTUAL

DO GREAT THINGS EVERY DAY

Old Mutual Life Assurance Company (SA) Limited is a licensed FSP and Life Insurer.